

Broj: 03-03-2. elek. sjed.- 123/21

Datum: 10.02.2021. god.

ZAKLJUČCI I ODLUKE

Sa 2. elektronske sjednice Vijeća održane dana 10.02.2021. godine

Od ukupno 26 članova Vijeća glasanju je pristupilo 22 člana Vijeća.

Predložen je sljedeći

DNEVNI RED:

1. Usvajanje Zapisnika sa 1. elektronske sjednice Vijeća;
2. Kadrovska i personalna pitanja:
 - a) Prijedlog donošenja Odluke o imenovanju Komisije za izbor akademskog osoblja za izbor **u akademsko zvanje:**
 - a. Redovni profesor, naučna oblast akaid, tesavvuf i uporedne religije;
 - b. Docent, naučna oblast Islamska filozofija
 - b) Prijedlog donošenja Odluke o produženju radnog angažmana dr. Rešida Hafizovića, redovnog profesora naučna oblast Akaid, tesavvuf i uporedne religije;
 - c) Prijedlog donošenja Odluke o imenovanju doc dr dr Orhana Jašića za rukovodioca Katedre Akaida, tesavvufa i uporednih religija;
3. Prijedlog donošenja Odluke o korištenju e-mail adresa sa domenom fakulteta u službenoj korespondenciji zaposlenika fakulteta;
4. Prijedlog donošenja Odluke o dopuni Protokola i Zapisnika odbrane doktorske disertacije na Fakultetu islamskih nauka Univerziteta u Sarajevu
5. Izvještaj sekretara Vijeća dokorskog studija:
 - a) Protokol i zapisnik odbrane doktorske disertacije pod naslovom: Klasična muslimanska teološka percepcija drugih religijskih tradicija“ doktoranda hafiza Saudina Gobeljića
 - b) Protokol i zapisnik odbrane doktorske disertacije pod naslovom: Društveni položaj i djelovanje imama u Bosni i Hercegovini od 1945. do 1971. godine“ doktoranda Adisa Sultanovića
 - c) Prijedlog datuma odbrane dokorskog rada pod naslovom pod naslovom: „Stilistički aspekt kiraeta“, doktoranda hafiza mr Abdul-Aziza Drkića (17.02.2021 u 10:30)
 - d) Izvještaj o odbrani sinopsisa doktorske disertacije mr. Zareana Mohameda Jafera pod naslovom: „Tefsirske metode Mula Sadra Širazija na primjeru božijeg namjesništva (hilafeta) u njegovom tefsiru“
6. Izvještaj sekretara Vijeća postdiplomskog studija:
 - a) Obavijest mentora doc. dr dr Orhana Jašića o završetku magistarskog rada pod naslovom: „Izlaganje principa duhovnoga odgoja halvetija te analiza tesavvufskog djelovanja Muhameda Sejfudina Iblizovića u Bosni“ kandidata Ibri Mulića.
7. Drugi ciklus studija:

- a) Prijedlog tema i komisija za ocjenu i odbranu završinih radova, drugi ciklus studija u studijskoj 2020/21. godini,
 - b) Izvještaj Komisije za ocjenu i odbranu magistarskog rada kandidata Dženana Hasića pod naslovom: "Kolovi (ogranci) halvetijskog derviškog reda",
 - c) Prijava teme završnog rada studenta Asmira Bekrića pod naslovom: "Islamska zajednica u Bosni i Hercegovini i organizacija vjerskih obreda u uvjetima pandemije COVID-19: fikhska studija",
 - d) Prijedlog Komisije za ocjenu i odbranu završnog rada studenta Dženan Mušanović, naziv teme "Qur'anic motives in the literature of Victor Hugo, J.W. Goethe, and Geoffrey Chaucer",
 - e) Prijava teme završnog rada studenta Ejub Ensar Selimović pod naslovom: "The treatment of the Qur'anic verses regarding the organization of the Medina community in the work Muhammad at Medina",
8. Izvještaj Komisije za provođenje postupka priznavanja inostrane visokoškolske kvalifikacije.

Te je nakon izjašnjavanja usvojen sljedeći

DNEVNI RED:

Ad. 1. Usvajanje Zapisnika sa 1. elektronske sjednice Vijeća.

Zapisnik sa 1. elektronske sjednice Vijeća je usvojen.

Ad. 2. Kadrovska i personalna pitanja:

- a) Prijedlog donošenja Odluke o imenovanju Komisije za izbor akademskog osoblja za izbor **u akademsko zvanje:**
 - a. Redovni profesor, naučna oblast akaid, tesavvuf i uporedne religije.

Donosi se

O D L U K A

Imenuje se Komisija za izbor akademskog osoblja za izbor **u akademsko zvanje redovni profesor za naučnu oblast akaid, tesavvuf i uporedne religije 1 izvršilac (puno radno vrijeme)**, u sastavu:

1. Dr. Adnan Silajdžić, redovni profesor, Fakulteta islamskih nauka Univerziteta u Sarajevu, naučna oblast **akaid, tesavvuf i uporedne religije** predsjednik
2. Dr. Rešid Hafizović, redovni profesor Fakulteta islamskih nauka Univerziteta u Sarajevu, naučna oblast **akaid, tesavvuf i uporedne religije**, član i
3. Dr. Enes Karić, redovni profesor Fakulteta islamskih nauka Univerziteta u Sarajevu, naučna oblast **tefsir**, član

Komisija je obavezna izvještaj sa prijedlogom za izbor u zvanje dostaviti Vijeću organizacione jedinice putem protokola u skladu sa tekstom raspisanog konkursa i aktom o imenovanju komisije i to u roku od 45 dana od isteka roka za podnošenje prijave na konkurs.

Komisija utvrđuje prijedlog većinom glasova, s tim da svaki član komisije ima pravo da izdvoji i obrazloži svoje mišljenje.

b. Docent, naučna oblast Islamska filozofija

Donosi se

O D L U K A

Imenuje se Komisija za izbor akademskog osoblja za izbor **u akademsko zvanje** naučna oblast: **Islamska filozofija** 1 nastavnik, u zvanju docenta (puno radno vrijeme) u sastavu:

4. Dr. Orhan Bajrektarević, vanredni profesor Fakulteta islamskih nauka Univerziteta u Sarajevu, naučna oblast islamska filozofija, predsjednik
5. Dr. Dževad Hodžić, vanredni profesor, Fakulteta islamskih nauka Univerziteta u Sarajevu, na predmetima Uvod u filozofiju, Etika, Ahlak, Retorika i Vaz, član i
6. Dr. Enes Karić, redovni profesor Fakulteta islamskih nauka Univerziteta u Sarajevu, naučna oblast **tefsir**, član

Komisija je obavezna izvještaj sa prijedlogom za izbor u zvanje dostaviti Vijeću organizacione jedinice putem protokola u skladu sa tekstom raspisanog konkursa i aktom o imenovanju komisije i to u roku od 45 dana od isteka roka za podnošenje prijave na konkurs.

Komisija utvrđuje prijedlog većinom glasova, s tim da svaki član komisije ima pravo da izdvoji i obrazloži svoje mišljenje.

- b) Prijedlog donošenja Odluke o produženju radnog angažmana dr. Rešida Hafizovića, redovnog profesora naučna oblast Akaid, tesavvuf i uporedne religije.**

Donesena je sljedeća

O D L U K A

I - Dr Rešidu Hafizoviću, redovnom profesoru na predmetima naučne oblasti Islamske filozofije, nakon navršenih 65. godina života, produžava se radni odnos do 30.09.2023. godine.

II – Sastavni dio Odluke su dokazi o ispunjenosti uslova za produženje radnog odnosa prof. dr. Rešida Hafizovića.

O b r a z l o ž e n j e

Članom 119. stav (7) Zakona o visokom obrazovanju Kantona Sarajevo propisano je da, kada postoji nastavna potreba, za akademsko osoblje sa navršenih 65. godina u akademskom zvanju

redovnog profesora, moguće je produžiti radni odnos najduže za dvije studijske godine pod uslovom da je redovni profesor u posljednje tri godine objavio najmanje tri naučna rada u relevantnim naučnim bazama podataka i da je Vijeće donijelo odluku o potrebi produženja radnog odnosa.

Zaključkom Senata UNSA, o akademskoj ekvivalenciji broj: 01-8-10/19 od 27.02.2019. godine utvrđeno je da će se po svim pojedinačnim zahtjevima za vršenje akademske ekvivalencije izjašnjavati u skladu sa prijedlozima Vijeća i referencama kandidata.

Shodno navedenoj zakonskoj odredbi, a na osnovu usvojenog plana nastave i dinamičkog plana iskazana je potreba da se dr Rešidu Hafizoviću, redovnom profesoru na predmetima naučne oblasti Akaida, tesavvufa i uporednih religija, nakon navršenih 65. godina života, produži radni odnos do 30.09.2023. godine. Istovremeno, u odnosu na postavljene uslove, te zahtjev Vijeća da se Izvrši akademska ekvivalencija u skladu sa zaključkom Senata, broj: 01-8-10/19 od 27.02.2019. godine, konstatovano je da prof. dr Rešid Hafizović ispunjava postavljene uslove obzirom da je, u studijskim 2018/19; 2017/18. i 2018/19. godinama, objavio sljedeće: knjigu i četiri (4) naučna rada u relevantnim naučnim bazama podataka.

- c) Prijedlog donošenja Odluke o imenovanju doc dr dr Orhana Jašića za rukovodioca Katedre Akaida, tesavvufa i uporednih religija.

Donesena je sljedeća

O D L U K A
o imenovanju rukovodioca katedre

dr dr Orhan Jašić, docent imenuje se za rukovodioca Katedre akaida, tesavvufa i uporednih religija.

Rukovodilac Katedre bira se na vrijeme od dvije godine i može biti reizabran.

Sastavni dio odluke su potpisane izjave rukovodioca katedre o prihvatanju dužnosti rukovodioca katedre.

Ad. 3. Prijedlog donošenja Odluke okorištenju e-mailadresa sa domenom fakulteta u službenoj korespondenciji zaposlenika fakulteta.

Donesena je sljedeća

ODLUKA
O KORIŠTENJU E-MAIL ADRESA SA DOMENOM FAKULTETA U SLUŽBENOJ
KORESPONDENCIJI ZAPOSLENIKA FAKULTETA

Član 1.

(Obaveza korištenja e-mail adrese sa domenom Fakulteta u službenoj korespondenciji)

Zaposlenici Fakulteta islamskih nauka Univerziteta u Sarajevu (dalje: Fakultet), uključujući nastavno i nenastavno osoblje, u poslovnoj i službenoj korespondenciji koju vode obavljajući poslove u okviru radnog mjesta na Fakultetu, obavezni su isključivo koristiti adresu elektronske pošte (dalje: e-mail adresu) sa domenom Fakulteta: fin.unsa.ba.

Član 2.
(Poslovna i službena korespondencija)

(1) Pod poslovima u okviru radnog mjesta iz člana 1. ove Odluke podrazumijevaju se svi poslovi koji su predviđeni Pravilnikom o unutrašnjoj organizaciji i sistematizaciji radnih mjesta na Fakultetu, kao i individualnim ugovorom o radu, uključujući nastavni i naučnoistraživački rad, te poslove stručne, administrativne ili tehničke prirode.

(2) Poslovna i službena korespondencija iz člana 1. ove Odluke obuhvata komunikaciju sa ostalim zaposlenicima i studentima Fakulteta, kao i ostalim fizičkim i pravnim licima.

Član 3.
(Privatna korespondencija)

Službene e-mail adrese ne koriste se za privatnu korespondenciju zaposlenika Fakulteta.

Član 4.
(Odgovornost zaposlenika za vođenje službene e-mail adrese)

Aktiviranje i vođenje službene e-mail adrese sa domenom Fakulteta odgovornost je zaposlenika Fakulteta, pri čemu ima pravo na tehničku podršku radnika Fakulteta zaduženog za poslove u domenu informacijsko-komunikacijskih tehnologija.

Član 5.
(Prepoznatljivost službene e-mail adrese)

E-mail adresa sa domenom Fakulteta je prepoznatljiva i sastoji se od slijedećih elemenata: ime.prezime@fin.unsa.ba (zaposlenika Fakulteta) ili naziv podorganizacione jedinice@fin.unsa.ba (za podorganizacione jedinice Fakulteta, npr. studentska@fin.unsa.ba.).

Član 6.
(Potpis)

(1) Službena e-mail adresa sadrži automatski generiran potpis (*signature*) nositelja adrese koji obuhvata slijedeće podatke:

Ime i prezime zaposlenika (i akademsko zvanje)

Naziv radnog mjesta (za članove nenastavnog osoblja) odn. naziv funkcije (za nositelje funkcija)

Tel. i e-mail adresa (službena)

Poštanska adresa: Čemerlina 54, 71000 Sarajevo, Bosna i Hercegovina.

(2) Kod vođenja e-mail korespondencije međunarodnog karaktera, podaci iz stava (1) ovog člana navode se na engleskom ili arapskom jeziku.

Član 7.
(Prijem i slanje službene pošte)

(1) Prijem elektronske pošte adresirane na Fakultet, kao i slanje elektronske pošte Fakulteta vrši se putem e-mail adrese sekretar@fin.unsa.ba.

(2) Elektronska pošta iz stava (1) ovog člana se zavodi u protokol Fakulteta.

Član 8.

(E-mail adrese tijela i podorganizacionih jedinica)

(1) Tijela Fakulteta i podorganizacione jedinice Fakulteta posjeduju vlastite e-mail adrese koje se koriste ili uključuju u e-mail korespondenciju u vezi s predmetima koji spadaju u djelokrug ovih tijela i jedinica.

(2) Pristupnu šifru za e-mail adrese iz stava (1) ovog člana imaju predsjedavajući i sekretari tijela, odn. rukovodioci i sekretari organizacionih jedinica.

(3) U e-mail adrese iz stava (1) ovog člana spadaju:

sekretar@fin.unsa.ba (Sekretarijat Fakulteta),

postdiplomski.studij@fin.unsa.ba (Vijeće za postdiplomske studije),

doktorski.studij@fin.unsa.ba (Vijeće doktorskih studija),

kvalitet@fin.unsa.ba (poslovi u domenu osiguranja kvaliteta i upravljanja kvalitetom),

biblioteka@fin.unsa.ba (Biblioteka Fakulteta),

studentska@fin.unsa.ba (Studentska služba Fakulteta).

(4) Ostale podorganizacione jedinice Fakulteta (npr. katedre) uspostavljaju i vode službene e-mail adrese.

Član 9.

(Dostavljanje materijala za sjednice)

Materijali za sjednice tijela Fakulteta (Upravni odbor, Vijeće, Vijeće za postdiplomske studije, Vijeće doktorskih studija, Odbor za osiguranje kvaliteta, Redakcija izdanja, komisije i dr.) upućuju se isključivo na službene e-mail adrese članova ovih tijela.

Član 10.

(Elektronske sjednice)

Elektronske sjednice tijela Fakulteta (Upravni odbor, Vijeće, Vijeće za postdiplomske studije, Vijeće doktorskih studija, Odbor za osiguranje kvaliteta, Redakcija izdanja, komisije i dr.) realiziraju se isključivo putem službenih e-mail adresa članova ovih tijela.

Član 11.

(Prijelazne odredbe)

Od primjene ove Odluke izuzima se korespondencija o projektima (npr. RESILIENCE i dr.) koji su započeli prije njenog donošenja, pa do okončanja tih projekata.

Član 12.

Ova odluka stupa u roku od sedam (7) dana od datuma njenog usvajanja na Vijeću Fakulteta.

Ad. 4. Prijedlog donošenja Odluke o dopuni Protokola i Zapisnika odbrane doktorske disertacije na Fakultetu islamskih nauka Univerziteta u Sarajevu.

Donesena je sljedeća

**O D L U K A O DOPUNI
PROTOKOLA I ZAPISNIKA ODBRANE DOKTORSKE DISERTACIJE
NA FAKULTETU ISLAMSKIH NAUKA UNIVERZITETA U SARAJEVU**

Član 1.

Protokol i zapisnik odbrane doktorske disertacije na Fakultetu islamskih nauka Univerziteta u Sarajevu (dalje: Protokol i zapisnik) vode se prema Obrascu DS10 koji čini sastavni dio Pravila studiranja za treći ciklus studija na Univerzitetu u Sarajevu – doktorski studij koja je usvojio Senat Univerziteta u Sarajevu na 26. redovnoj sjednici održanoj 19. 12. 2018. pod br. 01-1101-79/18.

Član 2.

Protokol i zapisnik iz člana 1. ove Odluke dopunjuju se u dijelu koji se odnosi na saopćavanje odluke Komisije za odbranu doktorske disertacije, te se nakon teksta

„Komisija predlaže rektoru Univerziteta u Sarajevu da

(ime i prezime doktoranda/doktorantice)
promovira u najviše akademsko zvanje
DOKTOR/DOKTORICA nauke
iz naučnog područja
naučnog polja
naučne grane
(upisati granu ako se doktorski studij izvodi u grani)“

dodaje:

„Diplomu doktoranda/doktorantice (upisati ime i prezime) potpisat će reisu-l-ulema Islamske zajednice u Bosni i Hercegovini, rektor Univerziteta u Sarajevu i dekan Fakulteta islamskih nauka Univerziteta u Sarajevu“

Član 3.

Shodno usvojenom Nastavnom planu i programu Doktorskog studija iz islamskih nauka na Fakultetu islamskih nauka Univerziteta u Sarajevu od 2020., kao naučno područje u Protokolu i zapisniku navodi se „humanističke nauke“, kao naučno polje „islamske nauke“, a kao naučna grana navodi se disciplina u kojoj doktorand/doktorantica brani doktorsku disertaciju (npr. tefsir, fikh i dr.).

Ad. 5. Izvještaj sekretara Vijeća dokorskog studija:

- a) Protokol i zapisnik odbrane doktorske disertacije pod naslovom: “Klasična muslimanska teološka percepcija drugih religijskih tradicija“, doktoranda hafiza Saudina Gobeljića.

Donesena je sljedeća

O D L U K A

Izvještaj komisije o odbranjenoj doktorskoj disertaciji pod naslovom: "Klasična muslimanska teološka percepcija drugih religijskih tradicija", doktoranda hafiza Saudina Gobeljića, se usvaja i isti sa drugom dokumentacijom o odbranjenoj doktorskoj disertaciji, dostavit će se Rektoruniverziteta radi promocije doktoranda.

- b) Protokol i zapisnik odbrane doktorske disertacije pod naslovom: "Društveni položaj i djelovanje imama u Bosni i Hercegovini od 1945. do 1971. godine" doktoranda Adisa Sultanovića.

Donesena je sljedeća

O D L U K A

Izvještaj komisije o odbranjenoj doktorskoj disertaciji pod naslovom: "Društveni položaj i djelovanje imama u Bosni i Hercegovini od 1945. do 1971. godine" doktoranda Adisa Sultanovića, se usvaja i isti sa drugom dokumentacijom o odbranjenoj doktorskoj disertaciji, dostavit će se Rektoruniverziteta radi promocije doktoranta.

- c) Prijedlog datuma odbrane dokorskog rada pod naslovom pod naslovom: „Stilistički aspekt kiraeta“, doktoranda hafiza mr Abdul-Aziza Drkića (17.02.2021 u 10:30).

Donesena je sljedeća

O D L U K A

Mr hafiz Abdul-Aziz Drkić branit će doktorski rad pod naslovom: "Stilistički aspekt kiraeta" u srijedu 17.02.2021. godine sa početkom u 10 sati i 30 minuta na Fakultetu islamskih nauka Univerziteta u Sarajevu.

Odbrana je javna i istoj će prisustvovati članovi komisije, zapisničar i kandidat koji brani rad uz poštivanje epidemioloških mjera.

- d) Izvještaj o odbrani sinopsisa doktorske disertacije mr. Zareana Mohameda Jafera pod naslovom: „Tefsirske metode Mula Sadra Širazija na primjeru božijeg namjesništva (hilafeta) u njegovom tefsiru“.

Članovi vijeća primaju na znanje izvještaj o odbrani sinopsisa.

Ad. 6. Izvještaj sekretara Vijeća postdiplomskog studija:

- a) Obavijest mentora doc. dr dr Orhana Jašića o završetku magistarskog rada pod naslovom: „Izlaganje principa duhovnoga odgoja halvetija te analiza tesavvufskog djelovanja Muhameda Sejfudina Iblizovića u Bosni“ kandidata Ibre Mulića.

Donesena je sljedeća

O D L U K A
o imenovanju Komisije za ocjenu i odbranu magistarskog rada

Imenuje se komisija za magistarskog rada za ocjenu i odbranu magistarskog rada pod naslovom: „Izlaganje principa duhovnoga odgoja halvetija te analiza tesavvufskog djelovanja Muhameda Sejfidina Iblizovića u Bosni“ kandidata Ibri Mulića u sastavu:

1. dr Nedžad Grabus, vanredni profesor, predsjednik
2. dr Adnan Silajdžić, redovni profesor, član i
3. dr dr, Orhan Jašić, docent, mentor, član

Ad. 7. Drugi ciklus studija:

- a) Prijedlog tema i komisija za ocjenu i odbranu završinih radova, drugi ciklus studija u studijskoj 2020/21. Godini.

Donesena je sljedeća

O D L U K A

Usvajaju se predložene teme završnog rada za drugi ciklus studija, mentori i komisije, Katedri za Tefsir, Hadis, Akaid (dogmatiku) i uporedne religije, Fikh, Islamsku kulturu i civilizaciju, Katerda za religijsku pedagogiju i religijsku psihologiju, Katedra za Filologiju Kur'ana i Katedra Kiraeta u akademskoj 2020/2021. godini.

Sastavni dio odluke je tabelarni prikaz usvojenih tema, komisija i mentora.

O b r a z l o ž e n j e

Shodno Pravilima studiranja za drugi ciklus studija na Fakultetu islamskih nauka Univerziteta u Sarajevu studijskim programom predviđen je završni rad.

Tema završnog rada mora biti iz oblasti studijskog programa.

Nastavnici koji učestvuju u realizaciji nastave na drugom ciklusu studija su obavezni najkasnije do početka zadnjeg semestra studija predložiti nastavno-naučnom vijeću jedan ili više naslova tema za izradu završnog rada sa odgovarajućim obrazloženjem.

- b) Izvještaj Komisije za ocjenu i odbranu magistarskog rada kandidata Dženana Hasića pod naslovom: „*Kolovi (ogranci) halvetijskog derviškog reda*“.

Donesena je sljedeća

O D L U K A

o imenovanju Komisije za ocjenu i odbranu magistarskog rada

kandidata Dženana Hasića pod naslovom: „*Kolovi (ogranci) halvetijskog derviškog reda*“, u sastavu:

1. Dr. Nedžad Grabus, vanredni profesor, predsjednik
2. Dr. dr. Orhan Jašić, docent, član i
3. Dr. Adnan Silajdžić, redovni, mentor, član

- c) Prijava teme završnog rada studenta Asmira Bekrića pod naslovom: "Islamska zajednica u Bosni i Hercegovini i organizacija vjerskih obreda u uvjetima pandemije COVID-19: fikhska studija".

Donesena je sljedeća

O D L U K A

Asmiru Bekriću studentu drugog ciklusa studija odobrava se tema za izradu master rada pod naslovom: „*Islamska zajednica u Bosni i Hercegovini i organizacija vjerskih obreda u uvjetima pandemije COVID-19: fikhska studija*”.

Dr. Nedim Begović, vanredni profesor imenuje se za mentora pri izradi završnog rada kandidata Asmira Bekrića.

- d) Prijedlog Komisije za ocjenu i odbranu završnog rada studenta Dženana Mušanović, naziv teme "Qur'anic motives in the literature of Victor Hugo, J.W. Goethe, and Geoffrey Chaucer".

Donesena je sljedeća

O D L U K A

o imenovanju Komisije za ocjenu i odbranu magistarskog rada

kandidata Dženana Mušanovića studenta drugog ciklusa studija pod naslovom: "Qur'anic motives in the literature of Victor Hugo, J.W. Goethe, and Geoffrey Chaucer", u sastavu:

1. Dr. Samedin Kadić, viši asistent, predsjednik
2. Mr. Muhamed Fazlović, viši asistent, član i
3. Prof. dr. Enes Karić, redovan profesor, mentor, član

- e) Prijava teme završnog rada studenta Ejub Ensar Selimović pod naslovom: "The treatment of the Qur'anic verses regarding the organization of the Medina community in the work Muhammad at Medina".

Donesena je sljedeća

O D L U K A

o imenovanju Komisije za ocjenu i odbranu magistarskog rada

kandidata Ejub Ensar Selimovića pod naslovom: "The treatment of the Qur'anic verses regarding the organization of the Medina community in Watt's *Muhammad at Medina*", u sastavu:

1. Dr. Samedin Kadić, viši asistent, predsjednik
2. Mr. Muhamed Fazlović, viši asistent, član i
3. Prof. dr. Enes Karić, redovan profesor, mentor, član

Ad. 8. Izvještaj Komisije za provođenje postupka priznavanja inostrane visokoškolske kvalifikacije.

Prihvata se Izvještaj o Komisije za provođenje postupka stručnog priznavanja inostranih visokoškolskih kvalifikacija diplome dodiplomskog studija na ime Šerif Hodović, koju je stekao na Univerzitetu "ERCIYES", Teološki fakultet, Kayseri, Republika Turska.

Sekretar- FIN-a:
Emina Muderizović

Dekan:
Prof. dr. Zuhdija Hasanović